

VENDIM
Nr. 826, datë 26.12.2024

**PËR DISA NDRYSHIME DHE SHITESA NË VENDIMIN NR. 725, DATË 2.9.2015,
TË KËSHILLIT TË MINISTRAVE, “PËR MËNYRËN E ORGANIZIMIT DHE TË
FUNKSIONIMIT TË AGJENCISË SË ZHVILLIMIT TË TERRITORIT”, TË
NDRYSHUAR**

Në mbështetje të nenit 100 të Kushtetutës dhe të pikës 5, nenit 7/1, të ligjit nr. 107/2014, “Për planifikimin dhe zhvillimin e territorit”, të ndryshuar, me propozimin e zëvendëskryeministrit dhe ministër i Infrastrukturës dhe Energjisë, Këshilli i Ministrave

VENDOSI:

1. Në vendimin nr. 725, datë 2.9.2015, të Këshillit të Ministrave, “Për mënyrën e organizimit dhe të funksionimit të Agjencisë së Zhvillimit të Territorit”, të ndryshuar, bëhen këto ndryshime dhe shtesa:

- a) Në pikën 4, të kreut II, numri “120” zëvendësohet me “100”;
- b) Titulli i kreut V, “Procedurat e rekrutimit”, zëvendësohet me “Procedurat e rekrutimit dhe nivelet e pagave të punonjësve të Agjencisë”;
- c) Pas pikës 3, të kreut V, shtohet pika 4, me këtë përmbajtje:

“4. Elementet përbërëse të pagës bruto mujore dhe vlerat për secilin element të tyre për punonjësit e Agjencisë së Zhvillimit të Territorit janë, si më poshtë vijon:

 - a) Paga për pozicion, që shpërblen vlerën relative të çdo pozicioni pune dhe që përcaktohet në kolonën 2, të lidhjes nr. 1, që i bashkëlidhet këtij vendimi dhe është pjesë përbërëse e tij;
 - b) Shtesa për vjetërsi në punë, që jepet në masën:
 - i. 0.6 (zero pikë gjashtë) % pas çdo viti punë për 10 (dhjetë) vitet e para (1–10 vjet) dhe llogaritet mbi pagën e pozicionit;
 - ii. 0.8 (zero pikë tetë) % pas çdo viti punë për 10 (dhjetë) vitet e dyta (11–20 vjet) dhe llogaritet mbi pagën e pozicionit;
 - iii. 1 (një) % pas çdo viti punë për 10 (dhjetë) vitet e treta (21–30 vjet) dhe llogaritet mbi pagën e pozicionit.
 - c) Shtesa për natyrë të veçantë pune, që përcaktohet sipas kolonës 3, të lidhjes nr. 1, që i bashkëlidhet këtij vendimi dhe është pjesë përbërëse e tij.”.
 - ç) Në pikën 1, të kreut VI, numri “120” zëvendësohet me “100”.
2. Kudo në vendimin nr. 325, datë 31.5.2023, të Këshillit të Ministrave, “Për miratimin e strukturës së pagave, niveleve të pagave dhe shtesave të tjera mbi pagë të zëvendësministrit, funksionarëve të kabineteve, prefektit, nënprefektit, nëpunësve civilë dhe nëpunësve në disa institucione të administratës publike”, të ndryshuar, përcaktimet që lidhen me Agjencinë e Zhvillimit të Territorit shfuqizohen.
3. Ngarkohet Agjencia e Zhvillimit të Territorit për ndjekjen dhe zbatimin e këtij vendimi.
Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

LIDHJA NR. 1

POZICIONI	PAGA PËR POZICION	SHTESË PËR NATYRË TË VEÇANTË PUNE
Drejtor i përgjithshëm	365,000	70,000
Asistent ekzekutiv	122,000	
Sekretar	110,000	
Drejtor, Drejtoria Juridike dhe e Shqyrtimit të Aplikimeve	280,000	60,000
Përgjegjës sektori, Drejtoria Juridike dhe e Shqyrtimit të Aplikimeve	250,000	45,000
Përgjegjës, Sektori i Burimeve Njerëzore, Drejtoria Juridike	135,000	
Specialist, Drejtoria Juridike dhe e Shqyrtimit të Aplikimeve	200,000	45,000
Specialist, Burimet Njerëzore, Drejtoria Juridike	112,000	
Drejtor, Drejtoria e Zhvillimit në Territor	280,000	60,000
Përgjegjës sektori, Drejtoria e Zhvillimit në Territor	250,000	45,000
Specialist, Drejtoria e Zhvillimit në Territor	200,000	45,000
Drejtor, Drejtoria e GIS-së	270,000	
Përgjegjës sektori, Drejtoria e GIS-së	220,000	
Specialist, Drejtoria e GIS-së	190,000	
Drejtor, Drejtoria e Monitorimit në Territor	270,000	
Përgjegjës sektori, Drejtoria e Monitorimit në Territor	220,000	
Specialist, Drejtoria e Monitorimit në Territor	190,000	
Drejtor, Drejtoria e Certifikatës së Përdorimit	270,000	
Përgjegjës, Drejtoria e Certifikatës së Përdorimit	220,000	
Specialist, Drejtoria e Certifikatës së Përdorimit	190,000	
Drejtor, Drejtoria e Koordinimit Ndërinstitucional	235,000	
Përgjegjës sektori, Drejtoria e Koordinimit Ndërinstitucional	180,000	
Specialist, Drejtoria e Koordinimit Ndërinstitucional	145,000	
Drejtor, Drejtoria e Financës dhe e Shërbimeve Mbështetëse	235,000	
Përgjegjës sektori, Drejtoria e Financës	180,000	
Përgjegjës sektori, Shërbime Mbështetëse	135,000	
Specialist Finance Dhe Buxheti	145,000	
Specialist arkiv-protokoll	99,000	
Magaznier	69,000	8000
Pastruese	56,000	8000
Shofer	89,000	8000